



**Comune de Romana**  
**(Provìntzia de Tàtari)**  
**ÀREA TÈCNICO MANUTENTIVA**

**Prot. 2070 de su 21/07/2022**

**BANDU PRO S'EROGATZIONE DE CONTRIBUTOS A "FONDO PERDUTO" A  
SUSTENNU DE SU CUMMÈRTZIU E DE S'ARTIGIANATO PREVÌDIDU DAE SU  
FUNDU NATZIONALE DE SUSTENNU A SAS ATIVIDADES ECONÒMICAS,  
ARTISANALES E CUMMERTZIALES**

**- ANNUALIDADE 2021 -**

*DPCM de su 24 de cabudanni de su 2020 de partizione, tèrmines, modalidade de atzessu e rendicontatzione de sos contributos a sos comunes de sas àreas internas, a bàllere subra de su Fundu de sustennu a sas atividades econòmicas, artigianales e cummertziales pro onni annu dae su 2020 a su 2022 publicadu in sa Gazzetta ufficiale n. 302 de su 4 de nadale de su 2020*

Art. 1 – PREMISSA

1. Cun custu bandu su Comune de Romana cheret sustènnere sas atividades cummertziales e artigianales apostivighende sos critèrios e sas condiziones pro sa cuntzessione de unu contributu a "fondo perduto".
2. Bidu su comma 65-ter de s'art. 1 de sa lege 27 de nadale de su 2017, n. 205, gasi comentu mudadu dae su comma 313 de s'art. 1 de sa lege 27 de nadale de su 2019, n. 160, cunforma a sa cale, in s'àmbitu de s'Istrategia natzionale pro s'isvilupu de sas Àreas internas, in su Dipartimentu pro sas políticas de coesione de sa Presidèntzia de su Consìgiu de sos Ministros est istituidu unu "fundu de sustennu a sas atividades econòmicas, artigianales e cummertziales" cun una dotatzione de 30 miliones de èuros pro onni annu dae su 2020, 2021 e 2022. Su fundu est partzidu tra sos comunes presentes in sas àreas internas cun decretu de su Presidente de su Consìgiu de sos Ministros, subra de proposta de su Ministru pro su Sud e sa Coesione territoriale, chi nd'apostivigat tèrmines e modalidade de atzessu e rendicontatzione;
3. Custa misura est prevìdida a manera ladina in s'imbeniente comma 65-quinquies de s'art. 1 de sa matessi lege de su 27 de nadale de su 2017, n. 205, gasi comentu mudadu dae su comma 313 de s'art. 1 de sa lege 27 de nadale de su 2019, n. 160 e dae s'art. 243 de su decretu-legge 19 de maju de su 2020, n. 34, mudadu, cun modificatziones, dae sa lege 17 de trìulas de su 2020, n. 77, chi apostivigat chi su Fundu de su cale a su comma 65-ter est aumentadu de èuros 60 miliones pro s'annu 2020, de èuros 30 miliones pro s'annu 2021 e de èuros 30 miliones pro s'annu 2022, puru pro permittere a sos Comunes presentes in sas àreas internas de fàghere fronte a sas netzessidades prus mannas de sustennu de su setore artigianale e cummertziale chi sunt consighidas dae s'epidemia dae COVID-19;  
Bidu su Decretu de su Presidente de su Consìgiu de sos Ministros de su 24 de cabudanni de su 2020 chi giughet "Partizione, tèrmines, modalidade de atzessu e rendicontatzione de sos

contributos a sos comunes de sas àreas internas, a bàllere subra de su Fundu de sustennu a sas atividades econòmicas, artesanales e cummertziales pro onni annu dae su 2020 a su 2022 publicadu in sa *Gazzetta ufficiale* Sèrie Generale n. 302 de su 04/12/2020”;

4. Bida sa Deliberatzione de Giunta Comunale n.46 de su 16/06/2022, chi at pro ogetu *“Fundu de Sustennu a sas Atividades Econòmicas, Artesanales e Cummertziales – Annualidade 2021 – Atu de indiritzu e definitzione de sos critèrios de assegnazione”*, in sa cale s’*apostivigat chi sas atziones de sustennu de acumprire cunforma a su comma 2 de s’art. 4 de su mentovadu Decretu de su Presidente de su Consìgiu de sos Ministros de su 24 de cabudanni de su 2020 a favore de sas impresas minores e micro impresas de su Comune de Romana cunsistent in s’erogatzione de contributos a “fondo perduto” pro ispesas de gestione, de dare in sa misura de una partizione giusta de sos fundos disponibles tra sas atividades chi ant sos rechisidos indicados a su comma 1 de s’art.4 de su mentovadu Decretu de su Presidente de su Consìgiu de sos Ministros de su 24 de cabudanni de su 2020, chi apant sos rechisidos chi s’ghint:*

- a) *Acumprant a atividades econòmicas pro mèdiu de un’unità operativa chi siat in su territòriu de su comune de Romana, o puru apant inghitzadu atividades econòmicas noas in su territòriu comunale mentovadu in subra in s’annualidade 2021;*
- b) *Siant costituidas a manera regolare e iscritas a su registru de sas impresas;*
- c) *non siant in istadu de licuidatzione o de fallimentu e non siant sugetas a protzeduras de fallimentu o de cuncordadu preventivu”*

disponende puru chi *“sas atividades chi partètzipant a sa protzedura de atribuzione ant a dèvere decrarare, in sa setzione apòsita de sa dimanda de partetzipatzione, sas ispesas de gestione sustènnidas in s’annualidade 2021 e chi s’erogatzione de su contributu no at a pòdere barigare cussa ispesa decrarada”* e chi *“si in casu mai a manera chi consìghit a sa misura de sa cale a su puntu pretzedente carchi atividade econòmica potzat atzèdere a su contributu in misura inferiore a cussa chi derivat dae una partidura che pare de su fundu disponibile tra cussas chi ant sos rechisidos aende sustènnidu ispesas de gestione in misura inferiore a cussu limite, sa cuota dàbile chi restat at a èssere ogetu de partidura tra sas atividades econòmicas bastat chi apant su matessi rechisidu relativu a sas ispesas de gestione decraradas”;*

## Art. 2 - DOTAZIONE FINANZIÀRIA

1. Sa dotazione finanziària de custu Bandu, istanziada dae su DPCM de su 24 de cabudanni de su 2020, est de € 12.527,00 pro s’annualidade 2021.

## Art. 3 - TIPOLOGIA DE SU CONTRIBUTU

1. Su giuamentu est sa cuntzessione de unu contributu “a fondo perduto” a sustennu de sas ispesas de gestione sustènnidas in s’annu 2021. S’importu màssimu de su contributu at a èssere ligadu a su nùmeru de sas dimandas chi ant a èssere presentadas e a sos importos de sas ispesas sustènnidas.

In cussas ispesas ant a pòdere èssere includos:

- afitu de sos locales in ue s’esèrtzitat s’atividade econòmica;
- pagamentu de sos istipèndios de sos dipendenti;
- ispesas pro comporare benes e servìtzios netzessàrios pro s’acumprida de s’atividade (pro es. Eletrizidade, abba, telèfonu, manuntentziones, innetadura etz....);
- assiguratzione (RCT/O – RCA);
- impostas chi pertocant s’atividade (IMU, TARI);
- ispesas pro sa contabilidade;

est craru chi custas ispesas, s’elencu de sas cales no est de considerare completu, divent èssere solu de ispesas sustènnidas pro s’atividade econòmica.

2. Sa misura econòmica de custu bandu est de leare a cunsideru comente contributu a “fondo perduto” pro sa tzifra complessiva de € 12.527,00 pro s’annualidade 2021.

3. Onni impresa podet presentare solu una dimanda de contributu si nd'at tìtulu pro s'atividade chi dae s'iscrittione camerale resurtet sa printzipale.
4. Su contributu si podet summare cun totu sas indennidades e sos giuamentos, puru finantziàrios, pregonados a livellu nazionale pro fàghere fronte sa crisi econòmicu finantziària atuale cajonada dae s'emergèntzia sanitària dae "COVID-19", includa sas indennidades erogadas dae s'INPS cunforma a su D.L. 17 de Martzu de su 2020, n. 18, salvu previsione diferente de sa legislazione istatale in matèria.
5. Sos giuamentos de sos cales a a custu decretu sunt cuntzessos cunforma e in sos limite de su regulamentu (UE)n. 1407/2013 de sa Commissione, de su 18 de nadale de su 2013, relativu a s'aplicazione de sos artìculos 107 e 108 de su tratadu subra de su funtzionamentu de s'Unione Europea a sos agiudos «*de minimis*», de su regulamentu (UE) n. 1408/2013 de sa Commissione, de su 18 de nadale de su 2013, relativu a s'aplicazione de sos artìculos 107 e 108 de su tratadu subra de su funtzionamentu de s'Unione europea a sos agiudos «*de minimis*» in su settore agrìcolu e de su regulamentu (UE) n. 717/2014 de sa Commissione, de su 27 de làmpadas de su 2014, relativu a s'aplicazione de sos artìculos 107 e 108 de su tratadu subra de su funtzionamentu de s'Unione europea a sos agiudos «*de minimis*» in su settore de sa pisca e de s'allevamentu in s'abba.
6. Pro su càculu de s'importu de s'agiudu chi si podet dare e de sa determinazione de sos custos cunsiderados ammissìbiles, riferidos a sa tipologia de agiudu de custu avisu, sos importos reconnotos in sos provvedimenti de cuntzessione e de lichidazione sunt brutos de cale si siat imposta o de àteru ònere.

#### Art. 4 – SUJETOS AMMITIDOS A SU CONTRIBUTU - RECHISIDOS

Sunt ammitidas a beneficiare de su contributu sas impresas menores e micro acumpridas in àmbitu cummertziale e artisanale cun sede legale in su Comune de Romana, identificadas comente sighit dae sa presèntzia paris de sos tres rechisidos chi sighint:

- a) Chi acumprant atividades econòmicas pro mèdiu de un'unitàde operativa chi siat in su territòriu de su Comune de Romana, o apant inghitzadu atividades econòmicas noas in su matessi territòriu comunale;
- b) Chi siant costituidas a manera regolare e iscritas a su registru de sas impresas;
- c) Chi non siant in istadu de licuidazione o de fallimentu e non siant sugetas a protzeduras de fallimentu o de cuncordadu preventivu.

#### Art. 5 – TIPOLOGIA DE SAS INITZIATIVAS FINANTZIABILES SUSTÈNNIDAS DAE SOS CONTRIBUTOS

Sas atziones de sustennu econòmicu de sas cales a su comma 1 de s'artìculu 3 pretzedente sunt costituidas dae s'isbursamentu de contributos a "fondo perduto" pro sas ispesas de gestione sustènnidas dae sas atividades econòmicas in s'annualidade 2021;

Sunt ammissìbiles sas ispesas sustènnidas a manera efetiva dae s'impresa beneficiària, cunsideradas de pertinèntzia e de leare in contu a su progetu, faturadas intro de su 31 de nadale de su 2021.

Sos sujetos beneficiàrios, si non chere chi lis siat revocadu su giuamentu, a fora de cantu ispetzificadu in sos puntos pretzedentes, divent:

- Dimustrare sas ispesas sustènnidas decraradas in su mòdulu de dimanda pro mèdiu de trasmissione de sa documentazione giustificativa intro de su 09/09/2022 si non diat èssere allegada a sa dimanda;
- Remonire sa documentazione fiscale pro unu perìodu de 10 annos;
- Lassare sa destinazione de impitu de sos benes pro 5 annos dae sa data de cuntzessione de su contributu;
- èssere in règula cun sos òbligos contributivos, comente atestadu dae su Documentu Ùnicu de Regularidade Contributiva (DURC);
- èssere in regula cun su pagamentu de sos tributos locales e de sas santziones

amministrativas in sos cunfrontos de su Comune de Romana a su 31/12/2021;

- non rechèdere àteros giuamentos pro sas matessi ispesas presentadas a bàllere subra de custu bandu.

#### Art. 6 - TÈRMINES E MODALIDADES DE PRESENTAZIONE DE SA DIMANDA

1. Custu bandu, s'allegadu "modellu A" pro sa presentazione de sa dimanda de finantziamentu e s'allegadu "modellu B informativa *privacy*" sunt publicados in su giassu de su Comune de Romana, a su link <https://www.comune.romana.ss.it>.
2. Sas dimandas pro sa presentazione de sa dimanda de finantziamentu devent èssere costituidas, si non si cheret èssere escludos, dae:
  - a) Allegadu A vàlidu pro sa rechesta de finantziamentu;
  - b) Allegadu B – Informativa *privacy*.
4. Sos interessados ant a dèvere fàghere arrivare sa dimanda in pabiru sèmplitze, cunforma a sos modelos A e B allegados, **a manera chi non si podet transire si non si cheret èssere escludos intro de sas 12.00 de sa die 31/08/2022** pro mèdiu de una de sas modalidades chi s'ghint:
  - Modalidade in pabiru a s'Ufitziu Protocolu de su Comune de Romana, carrera Roma n.50, in sos oràrios chi est abertu a su pùblichu;
  - modalidade telemàtica imbiende cun sa PEC (posta eletrònica tzertificada) a s'indirizu PEC protocollo@pec.comune.romana.ss.it
5. Sas dimandas ant a dèvere èssere sutascritas dae su rapresentante legale de s'impresa cun sa còpia de unu documentu de reconnòschimentu allegada (in casu de trasmissione pro mèdiu de PEC est ammittida sa firma digitale de su documentu. In cust'ùtimu casu no at a èssere netzessàriu allegare còpia de su documentu de reconnoschimentu).
6. Sa dimanda est espressada in dorma de decrarazione sostitutiva de tzertificazione/atu de notoriedade cunforma a sos art. 46 e 47 de su D.P.R. n. 445/2000 e est sugeta a sa responsabilidade, puru penale, de sa cale a sos art. 75 e 76 de su matessi in casu de decraraciones non beras.
7. No ant a pòdere èssere acollidas sas dimandas:
  - a) Ammaniadas in modellu diferente dae s'allegadu A a custu bandu;
  - b) presentadas cun modalidades diferentes dae cantu prevìdidu a su puntu 4 chi pretzèdit;
  - c) ammaniadas a manera non completa e/o non cunforme a sas dispositziones de Lege e de custu Avisu (salvu chi siat dada sa possibilitade de agiunghere documentatzione o dare acramentos, in ue possibile, subra de rechesta de s'Ufitziu cumpetente);
  - d) non sutascritas dae su rapresentante legale de s'impresa.
8. Su Comune de Romana non si leat peruna responsabilidade pro discumbènios in sa presentazione de sa dimanda dèvidos a problemas informàticos o telemàticos o semper e cando imputàbiles a fatos deàteros, a sa sorte o fortza majore.

#### ART. 7 – VALUTAZIONE DE SAS DIMANDAS DE FINANTZIAMENTU E ISBURSAMENTU DE SU CONTRIBUTU

1. Sos acumprimentos relativos a s'istrutòria de sas dimandas e a s'isbursamentu de su contributu, ant a èssere contivigiados a manera dereta de su Responsàbile de su Protzedimentu.
2. Durante sa fase istrutòria, su Responsàbile de su Protzedimentu at a protzèdere a averiguare sa regularidade formale de sa dimanda e chi bi siant sos rechisidos ogetivos de ammissione de sos cales a s' art. 4 e 5 chi pretzèdit e de sas decraraciones relativas, puru pro mèdiu de s'impitu de documentatzione a sos atos o interrogatziones a sos Entes Cumpetentes. In ue siat possibile, s'Ufitziu competente at a rechèdere acramentos formales e/o integrazziones de dare luego.
3. Sas dimandas de finantziamentu ant a èssere valutadas cunforma a sos critàrios apostivigados dae sa Delibera de Giunta Comunale n.46 de su 16/06/2022, e sa cuantificatzione de su contributu

chi tocat a onni impresa chi partètzipat at a èssere fata cunforma a sos crìterios prevididos inoghe est a nàrrere:

- partzidura che pare de sos fundos disponìbiles tra sas atividades econòmicas chi partètzipant e in possessu de sos rechisidos indicados a su comma 1 de s'art. 4 de su Decretu de su Presidente de su Consìgiu de sos Ministros de su 24 de cabudanni de su 2020 giai mentovadu, in su lìmite màssimu de s'importu decraradu e chi si podet dimostrare dae parte de su titolare de s'atividade;
- si carchi operadore chi partètzipat podet atzèdere a su contributu in mesura inferiore a cussa chi derivat dae una partzidura sèmplitze in partes uguals, s'economia dàbile at a èssere ogetu de un'àtera partzidura tra sas àteras atividades econòmicas bastat chi apant su matessi rechisidu relativu a sas ispesas de gestione decraradas.

4. Su protzedimentu istrutòriu de sas dimandas de contributu s'at a congruire intro de 30 dies dae su tèrmine de presentazione de sas dimandas. Sa graduatoria finale at a èssere aprovada cun determina de su Responsàbile de su Servìtziu.

5. Sa graduatòria comente formada subra at a èssere publicada in sas setziones apòsitas de su giasu istituzionale cunforma sas normas in vigèntzia e cantu prevididu in materia de "privacy".

6. Sa graduatòria at a èssere publicada in su giassu istituzionale de su Comune. A comintzare dae sa data de publicazione s'Amministrazione Comunale at a dispònner s'isbursamentu de su contributu luego in sos tempos tècnicos netzessàrios. S'importu comente determinadu in subra at a èssere licuidadu pro mèdiu de unu bonìficu fatu a manera esclusiva in sos contos corrente de sa Banca o de sa Posta ativos in Istitutos de crèditu o in Poste Italiane, indicados in sa setzione apòsita de su Modellu Allegadu A. sunt escluidas a manera crara formas de pagamentu diferentes (cartas de crèditu, cartas pagadas in antis etz.).

Romana, su 21/07/2022

Su Responsàbile de su Protzedimentu

**Ing. Luca Maccioni**

*(firmadu a manera digitale)*



LUCA MACCIONI  
COMUNE DI ROMANA  
RESPONSABILE UFFICIO  
TECNICO  
21.07.2022 16:34:46  
GMT+01:00